

水經注箋卷第十九

漢 桑 欽撰

後魏酈道元 注

明 李長庚訂

孫汝澄

朱謀埠箋

李克家全校

渭水下

渭水又東過槐里縣南又東澇水從南來注之

渭水逕縣之故城南漢書集註李奇謂之小槐里

之西城也又東與芒水枝流合水受芒水於竹圃

東北流又屈而入于渭謝云宋本作又屈西北入于渭

渭水又東北逕黃山宮南

水經注箋 卷十九

卽地理志所謂縣有黃山宮惠帝三年起者也東

方朔傳曰武帝微行西至黃山宮故世謂之遊城

非也

就水注之

水出南山就谷北逕大陵西世謂之老子陵昔李

耳爲周柱史孫云柱史當作柱下史以世衰入戎於此有冢

事非經證然莊周著書云老聃死秦失弔之三號

而出是非不死之言人稟五行之精氣陰陽有終

變亦無不化之理以是推之或復如傳古人許以

傳疑故兩存耳就水歷圃北與黑水合或疑是

陵上承三泉就水之右三泉之之字疑衍奇發言歸一

渭水又東合田谿水

水出南山田谷北流長楊宮西又北逕蓋屋縣故城西又東北與一水合水上承蓋屋南南泉北逕

其縣東又北逕思鄉城西又北注田谿田谿水又

北注流克家云當于渭水也縣苑謝云縣苑當作縣北有蒙

龍源上承渭水於郿縣東逕武功縣為成林源東

逕縣苑亦曰靈軹源河渠以引堵水徐廣曰一作

諸水是也

水經注箋 卷十九

渭水又東逕槐里縣故城南

縣古大丘邑也周赧王都之秦以為廢丘帝王世紀及世

本並云懿王自鎬徙都大丘宋衷注云大丘一名廢丘今槐里是也此作赧王字之誤耳亦曰

舒丘和平元年桓帝封左中郎將皇甫嵩為侯國

縣南對渭水北背通渠史記秦本紀云秦武王三

年渭水赤三日秦昭王三十四年渭水又大赤三

日洪範五行傳云赤者火色也水盡赤以火沴水

也渭水秦大川也陰陽亂秦用嚴刑敗亂之象後

項羽入秦封司馬欣為塞王都櫟陽董翳為翟王

都高奴章邯為雍王都廢丘居槐里謝云居槐里

此澤為北人
所重以此

古本

為三秦漢祖北定三秦引水灌城遂滅章邯三年

改曰槐里王莽更名槐治也世謂之為大槐里晉

太康中始平郡治也其城遞帶防陸舊渠尚存即

漢書所謂槐里環隄者也東有漏水宋本作東出

南山赤谷東北流逕長楊宮東宮有長楊樹因以

為名渭水宋本作又北逕葦園西亦謂之仙澤又

北逕望仙宮又東北耿谷水注之水發南山耿谷

北流與柳泉合東北逕五柞宋本作東北相去八

里並以樹名宮亦由陶氏以五柳立稱故張晏曰

宮有五柞樹在整屋縣西一作其水北逕仙澤東

水經注箋

卷十九

二

三百七十六

北又逕望仙宮東又北與赤水會又北逕思鄉城

東又北注渭水

渭水又東合甘水

水出南山甘谷北逕秦文王薨陽宮西又北逕五

柞宮東又北逕甘亭西在水東鄠縣昔夏啓伐有

扈作誓於是亭故馬融曰有扈甘南西一作郊地名

也甘水又東得澇水口水出南山澇谷北逕漢宜

春觀又東北逕鄠縣故城西澇水際城北出合漢

古本陂水水出宜春觀北東北流注澇水北流入

于渭即上林故地也東方朔稱武帝建元中微行

北至池陽西至黃山南獵長楊東遊宜春夜漏十

刻乃出於侍於外宋本中常侍武騎待詔及隴西

北地良家子能騎射者期諸殿下故有期門之號

旦明入山下馳射鹿豕狐兔手格熊羆上大驩樂

之上仍使太中大夫虞丘壽王孫云虞丘即吾丘古字通與待

詔能用竿者舉措漢書作舉籍謂舉計其數而為簿籍也阿城以南

蓋屋以東宜春以西提封頃畝及其賈宜漢書作賈宜

屬之南山以為上林苑東方朔諫秦起阿房而天

下亂因陳泰階六符之事孟康云泰階三台也每

之符驗也應劭曰上階為天子中階為諸侯公卿大夫下階為士庶人三階平則陰陽和風雨時天

水經注箋

卷十九

四

四百十九

下大安三階不平則五神上乃拜太中大夫給事

中賜黃金百斤卒起上林苑故相如請為天子遊

獵之賦稱烏有先生亡是公而奏上林也

又東豐水從南來注之

他說云渭水又東與豐水會于短陰山內水會無

他高山異巒所有唯原阜石激而已水上舊有便

門橋與便門對直武帝建武三年造張昌曰橋在

長安西北茂陵東如淳曰去長安四十里渭水又

逕太公廟北前有太公碑文字禿缺今無可尋

渭水又東北與鎬水合

此當作建元

水上承鎬池於昆明池北周武王之所都也故詩云考卜維王宅是鎬京維龜正之武王成之自漢帝穿昆明池於是地基構淪褫今無可究春秋後傳曰使者鄭客鄭客宋本水經及搜神記皆作鄭容此客字皆誤入柏谷關至平舒置見華山有素車白馬問鄭客安之荅曰之咸陽過鎬池曰吾華山君使願託書致鄆池君子之咸陽過鎬池見大梓下有文石取以款扣梓當有應者以書與之勿妄發致之得所欲鄭客行至鄆池見一梓下果有文石取以款梓應曰諾鄭客如睡覺而見宮闕若王者之居焉謁者出受

書入又見頃聞語聲言祖龍死神道茫昧理難辨測故無以精其幽致矣鄆水又北流西北注與虓池合水出鄆池西而北流入于鄆毛詩云漉流浪也而世傳以為水名矣鄭玄曰豐鎬之間水北流也鎬水北逕谿靈臺宋本作漢靈臺西又逕磁石門西門在阿房前悉以磁石為之脫一字故專其目合疑作夷朝者有隱甲懷刃入門而脅之以示神三輔黃房宮以磁石為門懷刃止之故亦曰却胡門也鎬水又北逕于渭渭水北有杜郵亭去咸陽十七里今名孝里亭中有白起祠嗟乎有制勝之功慙尹商之仁是地

卽其伏劔處也

辛氏三秦記曰畢陌西北有孝里

索杜郵其馬在云孝里之前號
惘輟駕而容與哀武安以興悼

渭水又東北逕渭城南

文穎以為故咸陽矣秦孝公之所居離宮也獻公

都櫟陽天雨金周太史儋見獻公曰周故與秦國

合而別別五百歲復合合七十歲而霸王出至孝

公作咸陽築冀闕而徙都之故西京賦曰秦皇其

霸寔為咸陽

西京賦作秦里其朔薛綜注云里居
也朔北也秦地居其北是曰咸陽

太史公曰長安故咸陽也漢高帝更名新城武帝

元鼎三年別為渭城在長安西北渭水之陽王莽

水經注箋

卷十九

六

四百三十七

之京城也始隸扶風後并長安

而沈水注之

其水上承皇子陂於樊川其地卽杜之樊鄉也漢

祖至櫟陽以將軍樊噲灌廢丘最賜邑於此鄉也

其水西北流注杜縣之杜京西西北流逕杜伯冢

南杜伯與其友左儒仕宣王儒無罪見害杜伯死

之終能報恨於宣王故成公子安五言詩曰誰謂

鬼無知杜伯射宣王

國語云周之衰也杜伯射王
于鄗墨子云周宣王殺其臣

杜伯而不辜其後三年王合諸侯田於圃田日中

杜伯乘白馬朱衣冠射王中心折脊而殪著之周
春秋以為警汲冢瑣語云宣王之妾文鳩欲通杜
伯杜伯不可女鳩反訴之王王囚杜伯于雒杜伯

之友左儒九諫而不聽并殺之後三年而杜伯射王沈水又西北逕下杜城

即杜伯國也沈水又西北支合故渠渠有二流上

承交水合於高陽原而北逕河池陂東而北注沈

水沈水又北與昆明故池會又北逕秦通六基東

又北逕塌水陂東又北得陂承其陂東北流入于

沈水沈水又北逕長安城西與昆明池水合水上

承池於昆明臺故王仲都所居也桓譚新論稱元

帝被病廣求方士漢中送道士王仲都詔問所能

對曰能忍寒暑乃以昆明池上環水而馳桓譚新論原有

乃於盛寒日載以駟馬車于昆明池上環水而走御者厚衣狐裘寒戰而

水經注箋 卷十九 七 四百十四 姜

仲都獨無變色卧於池臺上曛然自若夏大暑日

使曝坐環以十爐火不言熱又身不汗池水北逕

鎬京東秦阿房宮西史記曰秦始皇三十五年以

咸陽之人多先王之宮小乃作朝宮於渭南亦曰

阿城也始皇先作前殿阿房宋本有上字可坐萬人下

可建五丈旗周脫字一為閣道自殿直抵城南山表

山巔為闕為複道自阿房度渭屬之咸陽象天極

閣道絕漢抵營室也關中記曰阿房殿在長安西

南二十里殿東西千步南北三百步庭中受十萬

人其水又屈而逕其北東北流注塌水陂陂水北

出逕漢武帝建章宮東於鳳闕南東注沈水又北

逕鳳闕東三輔皇圖曰建章宮漢武帝造周二十

餘里千門萬戶其東鳳闕高七丈五尺俗言真女

樓非也漢武帝故事云闕高二十丈關中記曰建

章宮圓闕臨北道有金鳳在闕上高丈餘故號鳳

闕也宋本有故字繁欽建章鳳樓闕賦曰秦漢規模廓

然毀泯唯建章鳳闕巋然獨存雖非象魏之制亦

一代之巨觀也沈水又北分為二水一水東北流

一水北逕神明臺東傳子宮室曰上於建章中作

水經注箋 卷十九 八

屬焉三輔黃圖曰神明臺在建章宮中上有九室

今人謂之九子臺而實非也沈水又逕漸臺東漢

武故事曰建章宮北有太液池池中有漸臺三十

丈漸浸也為池水所漸一說星名也克家云晉大

十二間階陛咸以玉為之鑄銅鳳五丈飾以黃金

樓宋本屋上椽首薄以玉璧因曰璧玉門也沈水

又北流注渭亦謂是水為滴水也故呂忱曰滴水

出杜陵縣漢書音義曰滴水聲而非水也亦曰高

都水前漢之末五侯王氏大治池沼引高水宋本

作引

高都水入長安城故百姓歌之曰五侯初起曲陽

怒壤決高都竟連五杜上山漢書作土山漸臺像西白

虎卽是水也

又東過長安縣北

渭水東分爲二水廣雅曰水自渭出爲衆其由河

之有雍也此瀆東北流逕魏雍州刺史郭淮碑南

又東南合一水逕兩石人北秦始皇造橋鐵鑿重

不勝故刻石作力士孟賁等像以祭之鑿乃可移

動也又東逕陽侯祠北漲輒祠之此神能爲大波

故配食河伯也後人以爲鄧艾祠悲哉讒勝道消

水經注箋

卷十九

九

三百七十五

專忠受害矣渭水又東注此水水上有梁謂之渭

橋秦制也亦曰便門橋秦始皇作離宮於渭水南

北以象天宮故三輔黃圖曰渭水貫都以象天漢

橫橋南度以法牽牛橋廣六丈南北二百八十步

六十八間七百五十柱北馮翊立之有謝云宋本無北馮翊

立之有六字一百二十二梁橋之南北有隄激立石柱

柱南京兆立之柱北馮翊立之有令丞各領徒一

千五百人橋之北首壘石水中故謂之石柱橋也

舊有村留神像此神嘗與魯班語班令其人宋本作神

出村留曰我貌獰醜古本作獰醜卿善圖物容我不能

事曰 高都皇海神

又在下寫者 借誤耳

出班於是拱手與言曰出頭見我村留乃出首
於是以脚畫地村留覺之便還沒水故置其像於
水唯背以上立水上後董卓入關遂焚此橋魏武
帝遂更脩之橋三丈六尺村留之像曹公乘馬見
之驚又命下之燕丹子曰燕太子丹質於秦秦王
遇之無禮乃求歸秦王為機發之橋欲以陷丹丹
過之橋不為發又一說交龍捧舉而機不發但言
謝云疑有脫誤今不知其故處矣

渭水又東與沈水枝津合

水上承沈水東北流逕鄧艾祠南又東分為二水

水經注箋

卷十九

十

一水東入逍遙園注藕池池中有臺觀蓮荷被浦
秀實可翫其一水北流于渭

渭水又逕長安城北

漢惠帝元年築六年成卽咸陽也秦離宮無城故
城之王莽更名長安十二門東出北頭第一門本
名宣平門王莽更名春王門正月亭亦曰東城門
其郭門亦曰東都門卽逢萌挂冠處也第二門本
名清明門一曰凱門王莽更曰宣德門布恩亭內
有藉田倉亦曰藉田門第三門本名霸城門王莽
更名仁壽門無疆亭民見門色青又名青城門或

曰青綺門亦曰青門門外舊出佳瓜一作好瓜昔廣陵

人邵平為秦東陵侯秦破為布衣種瓜此門瓜美

故世謂之東陵瓜是以阮籍詠懷詩曰昔聞東陵

瓜近在青門外連畛拒阡陌子母相鈎帶指謂此

門也南出東頭第一門本名覆盎門王莽更名永

清門長茂亭其南有下杜城應劭曰故杜陵之下

聚落也故曰下杜門又曰端門北對長樂宮第二

門本名安門亦曰鼎路門王莽更名光禮門顯樂

亭即西安亭北對未央宮宋本有第本名平門王

莽更名信平門城正亭西出南頭第一門本名章

水經注箋

卷十九

門王莽更名萬秋門億年亭亦曰光畢門也宋本作

光畢又曰便門第二宋本作本名直門王莽更名直

道門端路亭故龍樓門也張晏曰門樓有銅龍三

輔黃圖曰長安西出第二門即此門也第三門本

名西城門亦曰雍門王莽更名章義門著誼亭其

水北入有函里氏名曰函里門又曰光門亦曰突

門北出西頭第一門本名橫門王莽更名霸都門

左幽亭如淳曰音光故曰光門其外郭有都門有

棘門徐廣曰棘門在渭北孟康曰在長安北秦時

宮門也如淳曰三輔黃圖曰棘門在橫門外按漢

今京師西出
第二門曰彰
北門堂和子
王莽西城門
即那字相頂
水經注人猶

書徐厲軍於此備匈奴又有通門亥門也其第二

門本名洛門又曰朝門王莽更名建子門廣世亭

一曰高門蘇林曰高門長安城北門也埤按此間

二門故洛門之後繼以厨門杜一曰厨門其内有

長安厨官在事故城曰厨門也如淳曰今名廣門

也第三門本名杜門亦曰利城門王莽更名進和

門臨水亭其水有客舍故名曰客舍門又曰洛門

也凡此諸門皆通達九達三途洞開隱以金椎周

以林木賈山至言曰秦為馳道於天下東窮燕齊

外隱以金椎左出右入為徒之經一作為往行者

水經注箋 卷十九 十二 四百十六

升降有上下之別漢成帝之為太子元帝嘗急召

之太子出龍樓門不敢絕馳道西至直城門方乃

得度上怪遲問其故以狀對上悅乃著令令太子

得絕馳道也渭水東合昆明故渠渠上承昆明池

東口東逕河池北亦曰女觀陂又東合沈水亦曰

漕渠又東逕長安縣南東逕明堂南舊引水為辟

雍處在縣宋本無鼎路門東南七里其制上圓下

方九宮十二室四嚮五色堂北三百步有靈臺是

漢平帝永始四年立渠南有漢故圓丘成帝建始

二年罷雍五時始祀皇天上帝於長安南郊應劭

曰天宮在長安南卽此也故渠之北有白亭博望

苑漢武帝為太子立使通賓客從所好也太子巫

蠱事發斫杜門東出史良娣死葬於苑北宣帝以

為戾園以倡優千人樂思后園廟故亦曰千鄉當作

千鄉故渠又東而北屈逕青門外與沈水枝渠會渠

上承沈水於章門西飛渠引水入城東為倉池池

在未央宮西池中有漸臺漢兵起王莽死於此臺

又東逕未央宮北高祖在關東令蕭何成未央宮

何斬龍首山而營之山長六十餘里頭於渭尾達

樊川三輔黃圖漢營未央宮因龍首山以制頭高

水經注箋

卷十九

二十丈尾漸下高五六丈土色赤而堅云昔有黑

龍從南山出飲渭水其行道因山成跡山卽基闕

不假築高出長安城北有玄武闕卽北闕也東有

蒼龍闕闕內有閭闔公車諸門公車古本作正車

門未央殿東有宣室玉堂麒麟含章白虎鳳皇朱

雀鸞鸞昭陽諸殿天祿石渠麒麟三閣未央宮此

玉海作未央宮北卽桂宮也周十餘里內有明光殿走狗

臺栢梁臺舊乘複道用相逕通故張衡西京賦曰

鈎陳之外閣道一本穿窿玉海有屬字長樂與明光逕

北通千桂宮故渠出二宮之間謂之明渠也又東

歷武庫北舊樗里子葬於此樗里子名疾秦惠帝

當作異母弟也滑稽多智秦人號曰智囊葬於昭

王廟西渭南陰鄉樗里故俗謂之樗里子云我百

歲後是有天子之宮夾我墓穴以昭王七年卒葬

于渭南章臺東至漢長樂宮在其東未央宮在其

西武庫直其墓秦人諺曰方則任鄙智則樗里子

也子疑作是宋本無子字明渠又東逕漢高祖長樂宮北本

秦之長樂宮也周二十里殿前列銅人殿西有長

信長秋永壽永昌諸殿殿之東北有池池北有層

臺俗謂是池為酒池非也故渠北有樓漢京兆尹

水經注箋

卷十九

十四

二百九十六

司馬文預碑故渠又東出城分為二渠即漢書所

謂王渠者也蘇林曰王宮家渠也猶今御溝矣晉

灼曰渠名也在城東霸門外一水逕楊橋下即青

門橋也側城北逕鄧艾祠西而北注渭今無水其

一渠東逕奉明縣廣城鄉之廣明苑南史王當作

孫及王夫人葬於郭北宣帝遷苑南史王孫及王

夫人卜以為悼園益園民千六百家立奉明縣以

奉二園園在東都門昌邑王賀白霸御法駕郎中

令龔遂驂乘至廣明東都門是也故渠東北逕漢

太尉夏侯嬰冢西葬日柩馬悲鳴輕車因遂下得

石櫛銘云于嗟滕公居此室故遂葬焉冢在城東

八里飲馬橋南四里故時人謂之馬冢埠按舊本脫誤吳瑄

移遂葬焉二十二字續此是矣復誤以霸水注續馬冢之後錯簡如初今特改正

又東過鄭縣北

渭水又東逕巒都城北故潘邑孫云潘邑常作蕃邑殷契之

所居世本曰契居蕃闕駟曰蕃鄭西宋本作蕃然

則今巒城是矣俗名之赤城水曰赤水非也苻健

入秦據此城以亢杜洪小赤水即山海經之灌水

也水出石脆之山北逕蕭加谷於孤相原西東北

流與愚水合出英山北流與招水孫云山海經曰石脆之山灌水

水經注箋

卷十九

十五

四百四十五

出焉北流注于禺水英山禺水出焉北流注于招水注云招音韶相得水亂流西

北注于灌灌水又北注于渭此後皆叙鄭縣事舊本錯簡今改正又

逕觀愚之山北流入于渭孫云觀愚字誤山海經作符禺之山符禺之水

出焉北流注于渭渭水又東西石橋水南出馬嶺山積石

處其東麗山距其西源西一作泉上通縣流數十丈

舊本無文字與華岳同體其水北逕鄭城西承宋本作水上

有橋橋雖崩禿舊跡猶存東去鄭城十里故世以

橋名水也而北流注于渭闕駟謂之新鄭水渭水

又東逕鄭縣故城北史記秦武公十年縣之桓公

鄭桓公友之故邑也漢書薛瓚注言周自穆公

穆王已下都於西鄭不得以封桓公也幽王既敗號

僇國語作鄭又滅遷居其地國于鄭父之丘是為鄭桓

公無封京兆之文余按遷史記考春秋國語世本

言周宣王二十二年封庶弟友於鄭又春秋國語

並言桓公為周司徒以王室將亂謀於史伯而寄

帑與賄於虢僇之間幽王卒於戲舊本作宮於戲

卒按史記大戎鄭桓公死之平王東遷鄭武公輔

王室滅虢僇而兼其土故周桓公言於王曰我周

之東遷晉鄭是依及遷封於彼左傳隱公十一年

鄭伯公孫獲宋本作鄭伯使公孫獲使一作謂曰吾先君新邑於

水經注箋

卷十九

十六

四百十個

此其能與許爭乎是其指新鄭為言矣然班固應

劭鄭玄皇甫謐裴頠王隱闕駟及諸述作者咸以

西鄭為友之始封也賢於薛瓚之單說也無宜違

正經而從逸錄矣赤眉樊崇於鄭北設壇祀城陽

景王而尊右校卒史劉俠卿牧牛兒盆子為帝年

十五被髮徒跣為具絳單衣半頭赤幘直蒸履顧

見眾人拜恐畏欲啼號年建世後月餘乘白蓋小

車與崇及尚書一人相隨向鄭北渡渭水即此處

也城南山北有五部神廟東南向華岳廟前有碑

後漢光和四年鄭縣令河東裴畢字君先立蘇林

曰戲邑名在新豐東南宋本云在鄭東南三十里孟康曰

乃水名也今戲亭是也昔周幽王悅褒姒不笑

王乃擊鼓舉烽以徵諸侯至無寇褒姒乃笑王甚

悅之及犬戎至王又舉烽以徵諸侯諸侯不至遂

敗幽王於戲水之上身死於麗山之北故國語曰

幽滅者也漢成帝建始二年造延陵為初陵以為

非霸曲亭南更營之鴻嘉元年於新豐戲鄉為昌

陵縣以奉初陵永始元年詔以昌陵卑下客土踈

惡不可為萬歲居其罷陵作令吏民反故徙將作

大匠解延年燉煌關中記曰昌陵在霸城東二十

水經注箋

卷十九

十七

四百十三

里取土東山與粟同價所費巨萬積年無成即此

處也戲水又北分為二水並注渭水渭水又東泠

水入焉水南出肺浮山蓋麗山連麓而異名也北

會三川統歸三壑歷宋本作陰槃新豐兩原之間北

流注于渭渭水又東首水南倒虎山南一作西總五

水單流注逕秦步高宮東世名立市城歷新豐原

東而北逕步壽宮西又北入渭二輔黃圖秦行步高宮在新豐縣亦

名市白城又有步壽宮在新豐步高宮西渭水又東得西陽水又東得

東陽水並南出廣鄉原北垂俱北入渭渭水又東

宋本作石橋水會故沈水也水南出馬嶺山北流

逕武平城東按地理志左馮翊有武城縣王莽之
桓城也石橋水又逕鄭城東水有故石梁迹征記
曰鄭城東十四里各有石梁者也又北逕沈城北
漢書地理志左馮翊有沈陽縣王莽更之曰制昌
也蓋藉水以取稱矣渭水又東敷水注之水南出
石山之敷谷北逕告平城東者舊所傳言武王伐
紂告太平於此故城得厥名非所詳也敷水又北
逕集靈宮西地理志曰華陰縣有集靈宮武帝起
故張昶華嶽碑稱漢武慕其靈築宮在其後而北
流注于渭渭水又東餘水注之水南出良餘山之

水經注箋

卷十九

十八

三百九十一

陰北流入于渭俗謂之宣水也渭水又東合黃酸
之水世名之爲于渠水水南出升山北流注于渭
渭水又東逕平舒城北城側枕渭濱半破淪水南
面通衢昔秦始皇之將亡也江神素車白馬道華
山下返璧於華陰平舒道曰爲遺鎬池君使者致
之乃二十八年度江所沈璧也卽江神返璧處也
渭水之陽卽懷德縣界也城在渭水之北池宋本作沙
苑之南卽懷德縣故城也世謂之高陽城非矣地
理志曰禹貢北條荆山在南山下有荆渠卽夏后
鑄九鼎處也王莽更縣曰德驩渭水又東逕長城

北長澗水注之水南出太華之山側長城東而北流注于渭水史記秦孝公元年楚魏與秦接界魏築長城自鄭濱洛者也

又東過華陰縣北

洛水入焉鬪駟以為漆沮之水焉曹瞞傳曰操與馬超隔渭水每渡渭輒為超騎所衝突地多沙不可築城婁子伯說今寒可起沙為城以水灌之一宿而成操乃多作縑囊以埋水夜汲作城魏志作夜渡兵明城北立於是水之次也渭水逕縣故城北春秋之陰晉也秦惠文王五年改曰寧秦漢高帝八年

水經注箋

卷十九

十九

三百七十六

更名華陰王莽之華疆也縣有華山山海經曰其高五千仞削成而四方遠而望之又若華狀西南有小華山也韓子曰秦昭王令工施鈎梯上華山以節一作松栢之心為博箭長八尺棋長八寸而勒之曰昭王常與天神博於是神仙傳曰山中當作中山衛叔卿嘗乘雲車駕白鹿見漢武帝帝將臣之叔卿不言而去武帝悔求得其子度世令追其父度世登華見父與數人博於石上勅度世令還山山層雲秀故能懷靈抱異耳山上有二泉東西分流至若山雨滂湃洪津泛灑挂溜騰虛直瀉山下有

漢魏文帝三宋本廟廟有石闕數碑一碑是建

中立漢鎮遠將軍段熲更修祠堂碑文漢給事黃

門侍郎張景造景自書之元帝又刊其二十餘字

二書存宋本重名於海內又刊傳當作中司隸校

尉鍾繇魏志云太祖方有事山東以關右為憂乃表鍾繇以侍中守司隸校尉持節督關中

諸軍弘農太守毋丘儉姓名廣六行鬱然循平是太

康八年弘農太守河東衛叔始為華陰令河東裴

仲恂役其逸力修立壇廟夾道樹栢迄于山陰專

見永興元年華百石所造碑渭水又東沙渠水注

之水出南山北流西北入長安城城自華山北逕

水經注箋

卷十九

于河華嶽銘曰秦晉爭其祠立城建其左者也郭

著述征記指證魏之立長城長城在後不得言在

斯為非矣渠水又北注入渭渭水又東逕定城北

西征記曰城因原土述征記曰定城去潼關三十

里夾道各一城渭水又東泥泉水注之水出南山

靈谷而泉北流注于渭水也渭水又東合沙溝水

水即符愚之水也孫云據山海經當作符禺之水南出符石逕新

豐縣故城北東與魚池水會水出麗山東也水本

導源東一作流後秦始皇葬於山北水過而曲行

東注北轉始皇造陵取土其地汙深水積成池謂

之魚池池在秦皇陵東北五里周圍四里池水西北流逕始皇冢北秦始皇大興厚葬營建冢壙於麗戎之山一名藍田其陰多金其陽多玉始皇貪其美名因而葬焉斬山鑿石下涸三泉以銅爲槨芻行周迴三十餘里上畫天文星宿之象下以水銀爲四瀆百川五嶽九州具地理之勢宮觀百官奇器珍寶充滿其中令匠作機弩有所穿近輒射之以人魚膏爲燈燭取其不滅者久之後宮無子者皆使殉葬甚衆墳高五丈周迴五里餘作者七十萬人積年方成而周章百萬之師已至其下乃

水經注箋

卷十九

二十一

三百九十一

使章邯領作者以禦難弗能禁項羽入關以三十萬人三十日運物不能窮關東盜賊銷槨取銅牧人尋羊燒之火延九十日不能滅北對鴻門十里池水又西北流水之西南有溫泉世以療疾三秦記曰麗山西北有溫水祭則得入不祭則爛人肉俗云始皇與神女唾之生瘡始皇謝之神女爲出溫水後人因以澆洗瘡張衡溫泉賦序曰余出麗山觀溫泉浴神井當作井嘉洪澤之普施乃爲之賦云此湯也不使灼人形體矣池水又逕鴻門西又逕新豐縣故城東故麗戎地也高祖王關中太上

將見項曰下此

有脫文

皇思東歸故象舊里制茲新邑立城社樹枌榆令街庭若一分置豐民以實茲邑故名之為新豐也漢靈帝建寧三年改為都鄉封段穎當作穎為侯國後立陰槃城其水際北城出一作世謂是水為陰槃水又北絕漕槃溝注于渭渭水又東逕鴻門北舊大道北下坂下坂名也古有鴻寧漢書高祖將見項羽楚漢春秋曰項王在鴻門亞父曰吾使人望沛公其氣衝天五色相繆或似龍或似雲非人臣之相可誅之漢高祖會項羽范增曰羽羽不應樊噲杖盾撞人入食豕肩於此羽壯之郡國志曰新

水經注箋

卷十九

三十二

三百九十九

豐縣東有鴻門亭者也郭緣生或云霸城南門曰鴻門也項羽將因會高祖宋本無高祖二字危高祖羽仁而弗斷范增謀而不納項伯終護高祖以獲免既抵霸上遂封漢王按漢書注鴻門在新豐東十七里則霸上應百里按史記項伯夜馳告張良良與俱見高祖仍使夜返考其道里不容得爾今父老傳在霸城南門數十里於理為得按緣生此記雖歷覽史漢述行涂逕凡宋本作述行涂經見可謂學而不思矣今新豐縣故城東三里有坂長二里餘塹原通道南北洞開有同門狀謂之鴻門孟康言在新

宋本作豐東十七里無之蓋指縣治而言非謂地也自

新豐故城西至霸城五十里霸城西十里則霸水

西二十里則長安城應劭曰霸水上地名在長安

東二十里即霸城是也高祖舊停軍處東去新豐

既遠何由項伯夜與張良共見高祖乎推此言之

知緣生此記乖矣渭水又東石川水南注焉渭水

又東戲水注之水出麗山馮公谷東北流又北逕

麗戎城東春秋晉獻公五年伐之獲麗姬於是邑

麗戎男國也姬姓秦之麗邑矣又北右總三川逕

鴻門東又北逕戲亭東應劭曰戲弘農湖縣西界

水經注箋 卷十九 三十三 四百〇三

也地隔諸縣不得為湖湖西如當作北一里即李

夫人冢冢形三成世謂之茨陵一作萊陵夫人兄延年

知音尤善歌舞帝愛之每為新聲變曲聞者莫不

感動常侍上起舞歌曰北方有佳人絕世而獨立

一顧傾人城再顧傾人國寧不知傾城與傾國佳

人難再得上曰世豈有此人乎平陽主曰延年女

弟上召見之妖麗善歌舞得幸早卒上憫念之以

厚禮葬悲思不已賦詩悼傷故渠此故渠篇內不見張本疑有脫

誤又東逕茂陵縣故城南武帝建元二年置地理

志曰宣帝縣焉王莽之宣成也故渠又東逕龍泉

北今人謂之溫泉非也渠北故坂此即龍淵廟如

淳曰三輔黃圖有龍淵宮今長安城西有其處黃

蓋宮之遺也謝云宋本云城西有其廟處蓋宮之遺也故渠又東逕姜

原北渠北有漢昭帝平陵東南去長安七十里又

東逕平陵縣故城南地理志曰昭帝置王莽之廣

利也故渠之南有竇氏泉北有徘徊廟又東逕漢

大將軍魏其侯竇嬰冢南又成帝延陵南陵之東

北五里即平帝康陵坂也故渠又東逕渭陵元帝

永元四年以渭城壽陵亭原上為初陵詔不立縣

邑又東逕哀帝義陵南又逕惠帝安陵南陵北有

水經注箋

卷十九

安陵縣故城也地理志曰惠帝置王莽之嘉平也

渠側有杜郵亭又東逕渭城北地理志曰縣有蘭

池宮秦始皇微行逢盜於蘭池今不知所在也又

東逕長陵南亦曰長山也三秦記曰長安城北有

平原廣數百里民井汲巢居井深五十丈秦名天

子冢曰山漢曰陵故通曰山陵矣風俗通曰陵者

天生自然者也今王公墳壠稱陵春秋左傳曰南

陵夏后臯之墓也春秋說題辭曰丘者墓也冢者

種也種墓也羅倚於山分甲尊之名者也渭水又

東逕下邳縣故城南秦伐邾置邾戎於此有上邾

故加下也。渭水又東與竹水合。南出竹山北逕。加谷。歷廣鄉原。東俗謂之大赤水。北流注于渭。渭水又東得白渠口。大始二年。趙國中大夫白公奏穿渠引涇水。口起谷口。出於鄭渠南。名曰白渠。民歌之曰田於何所。池陽谷口。鄭國在前。白渠在後。卽水所治也。東逕宜春城南。又東南逕池陽城北。枝瀆出焉。東南逕藕原下。逕鄠縣故城北。東南入渭。今無水。白渠又東。枝渠出焉。東南逕高陵縣故城北。地理志曰左輔都尉治。王莽之千春也。太康地記謂之曰高陸也。車頻秦書曰符堅建元十二

水經注箋

卷十九

三五

三言九

徵世下輕脫
堅後二字

年高陸縣民穿井得龜。大二尺六寸。背文負八卦。古字。堅以石為池。養之十六年而死。取其骨以問吉凶。名為客龜。大卜佐高夢客龜言。我將歸江南。不遇。死於秦會。宋本作高於夢中自解曰。龜三萬六千歲。而終終必亡國之徵也。為謝玄破於淮。肥自縊。新城浮圖中。秦祚因卽淪矣。又東逕櫟陽城北。史記秦獻公二年。城櫟陽。自雍徙居之。十八年。兩金於是處也。項羽以封司馬欣為塞王。按漢書高帝關中始都之。王莽之師高也。後漢建武二年。封驃騎大將軍景丹為侯國。丹讓世祖曰。富貴不還故

鄒如衣錦夜行故以封卿白渠又東逕秦孝公陵

北又東南逕居陵城北蓮芍城南又東注金氏陂

又東南注于渭故漢書溝洫志曰渠首起谷口尾

入櫟陽是也今無水故渠又東逕漢丞相周勃塚

南冢北有弱夫冢弱夫當作亞夫漢書周勃封絳侯長子坐殺人國絕亞夫復為

侯故渠東南謂之周氏曲又東南逕漢景帝陵南

又東南注于渭今無水渭水又東逕霸縣北與高

陵分水水南有定陶恭王廟傳太后陵元帝崩傳

昭儀隨王歸國稱定陶太后後十年恭王薨子代

為王徵為太子太子即帝位立恭王寢廟于京師

水經注箋

卷十九

比宣帝父悼皇故事元壽元年傳后崩合葬渭陵

潘岳關中記漢帝后同塋則為合葬不共陵也諸

侯皆如之恭王廟在霸城西北廟西北即傳太后

陵不與元帝同塋渭陵非謂元帝陵也蓋在渭水

之南故曰渭陵也陵與元帝齊者謂同十二丈也

王莽奏毀傳太后塚塚崩壓緣數百人開棺是聞

數月公卿在位皆阿莽旨入錢帛遣子弟及諸生

四夷凡十餘萬人操持作具助將作掘傳后塚二

旬皆平周棘其處以為世戒今其處積土猶高世

謂之增墀又亦謂之增阜俗亦謂之成帝初陵處

所未詳也渭水又逕平阿侯王譚墓北塚次有碑
左則涇水注之渭水又東逕鄠縣西蓋隴西郡之
鄠徒當作徒也渭水又東得白渠枝口又東與五丈
渠合水出雲陽縣石門山謂之清水東南流逕黃
嶽山西又南入襖襖縣歷原南出謂之清水口東
南流絕鄭渠又東南入高陵縣逕黃白城西本曲
梁宮也南絕白渠屈而東流謂之曲梁水又東南
逕高陵縣故城北東南絕白渠瀆又東南入萬年
縣謂之五丈渠又逕藕原東東南流注于渭水
又東過霸陵縣北霸水從縣西北流注之

水經注

卷十九

二十七

三百九十七

霸水者上地名也古曰滋水矣秦穆公霸水

宋本作秦

穆公霸世西征賦云弘大順以霸世是也

更名滋水爲霸水以顯霸功

水出藍田縣藍田谷所謂多玉者也西北有銅公

水次東有輕谷

脫水字

二水合而西注之又西流入

渥水渥水又西逕嶢關北歷柳嶢城東西有二城

魏置清渥軍於城內世亦謂之清渥城也秦二世

三年漢祖入自武關攻秦趙高遣將距於嶢關者

也土地記曰藍田縣南有嶢關地名嶢柳道通荆

州晉地道記曰關當上洛縣西北渥水又西北流

入霸水又北歷藍田川逕藍田縣也竹書紀年

梁惠王三年秦子向命為藍君蓋子向之故邑也
川有漢臨江王榮冢景帝以罪徵之將行祖於江
陵北門車軸折老父泣曰吾王不反矣榮至中尉
郅都急切責王王年少恐而自殺葬於是川有驚
數萬銜土置冢上百姓矜之按史記五宗世家臨江閔王榮以孝景前四年為皇太子四歲廢用故太子為臨江王四年坐侵廟壙垣為宮上徵榮榮行祖於江陵北門既已上車軸折車廢江陵父老流涕竊言曰吾王不反矣榮至詣中尉府簿中尉郅都責訊王王恐自殺葬藍田燕數萬銜土置冢上百姓憐之霸水又左合澹水歷白鹿原東即霸川之西故芷陽矣史記秦襄王葬芷陽者也是謂之霸上漢文帝葬其上謂之霸陵上有四

水經注箋

卷十九

出道以瀉水在長安東南三十里故王僧宣賦詩云南登霸陵岍迴首望長安漢文帝嘗欲從霸西馳下峻坂袁盎攬轡於此處上曰將軍怯也盎曰臣聞千金之子坐不垂堂百金之子立不倚衡聖人不乘危今馳不測如馬驚車敗柰高廟何上乃止霸水又北長水注之水出杜縣白鹿源其水西北流謂之荆谿谿水又西北左合狗柳川水水有二源西川上承碓山之斫槃谷次東有苦谷二水合而東北流逕風涼原西關中圖曰麗山之西川中有阜名曰風涼原在碓山之陰雍州之福地即

是原其水傍谿北注原上有漢武帝祠其水右合
東川水出南山之石門谷孟谷次東又大谷次東
有雀谷東有土門谷五水北谷西北歷風涼原東
又北與西川會原為二水之會亂流北逕宣帝許
后陵東而北去杜陵十里斯川於是有狗枷之名
川東亦曰白虎克家云當作白鹿原也上有狗枷堡三秦
記曰麗山西有白鹿原原上有狗枷堡秦襄公時
有大狗來下有賊則狗吠之故一堡無患故川得
厥目焉川水又北逕杜陵東元帝初元元年葬宣
帝杜陵北去長安五十里陵之西北有杜縣故城

水經注箋

卷十九

二十九

陳文

秦武公十一年縣之漢宣帝元康

脫元年二字

以杜東

原上為初陵更名杜縣為杜陵也王莽之饒安也

其水又北注荆谿荆谿水又北入霸縣

孫云疑作霸水

又

有溫泉入焉水發自原下入荆谿水亂流注于霸

俗謂之漚水非也史記音義文帝出安門注云在

霸陵縣有故亭即郡國志所謂長門亭也史記云

霸漚長水也雖不在祠典以近咸陽秦漢都注

宋本

作涇渭長水蓋

宋本作盡

得比大川之禮昔文帝居霸陵

北臨厠指新豐路示慎夫人曰此走邯鄲道也因

使慎夫人鼓瑟上自倚瑟而歌悽愴悲懷顧謂為

臣曰以北山石爲榑用紵絮斲澆漆其間豈可動哉釋之曰使其中有可欲雖錮南山猶有隙使無可欲雖無石郭又何戚焉文帝曰善拜廷尉韋昭曰高岍夾水爲厠今斯原夾二水也此後皆叙霸水事舊本錯誤以厨門續此今據三輔黃圖所記長安十二門移正而以霸水又比會續此霸水又北會兩川又北故源左出焉霸水又北逕王莽九廟南王莽地皇元年博徵天下工匠壞撤西苑建章諸宮館十餘所取材瓦以起九廟竿及吏民以義入錢穀助成九廟廟殿皆重屋太初祖廟東西南北各四十丈高十七丈餘廟半之爲銅薄櫨飾以

水經注箋

卷十九

陳文演

金銀雕文窮極百工之巧褫高增下功費數百巨萬卒死者萬數霸水又北逕枳道在長安縣東十三里王莽九廟在其南漢世有白鷺羣飛自東都門過于枳道呂后被除於霸上還見倉狗戟脅於

斯道也

漢五行志曰高后八年三月被霸上還枳道見物如倉狗機高后掖忽不見卜之趙

王如意爲祟遂病掖傷而崩注云機謂狗特之也

水上有橋謂之霸橋地

皇三年霸橋木災自東起卒數千以水汎沃救不滅晨熾夕盡王莽惡之下書曰甲午火橋乙未立春之日也予以神明三年終冬絕滅霸駁之橋欲以興成新室統一長存之道其名霸爲長存橋霸

八年宣明書
水經注卷十九
東北逕劉更始冢西更始二年為赤眉所殺故謂

水之宋本北左納漕渠絕霸右出焉東逕霸城北

入東逕子楚陵北皇甫謐曰秦莊王葬于芒蕩之

麗山京兆東南霸陵山劉向曰莊王大其各立墳

者也戰國策曰莊王字異人更名子楚故世人猶

以子楚名陵又東逕新豐縣右會故渠上承霸水

東北逕霸縣故城南漢文帝之霸陵漢縣也王莽

更之曰水章魏文帝黃初元年徙長安金狄重不

可致因留霸城南人有見薊子訓與父老共摩銅

人曰正見鑄此時計其日似近五百年矣故渠又

東北逕劉更始冢西更始二年為赤眉所殺故謂

水經注箋

卷十九

宋本無侍中劉棻夜往取一作而埋之光武使司

徒鄧禹收葬於霸陵縣更始尚書僕射行大將軍

事鮑永持節安集河東聞更始死歸世祖累遷司

隸校尉行縣逕更始墓遂下拜哭盡哀而去帝問

公卿太中大夫張湛曰仁不遺舊忠不忘君行之

高者帝乃釋宋本作又東北逕新豐縣又合漕渠

漢大司農鄭當時所開也以渭難漕命齊水工徐

伯乃發卒穿渠引渭今源自昆明池南傍山原東

至于河且田且漕大以為便按史記河渠書鄭當

長安竝南山下至河三百餘里徑易漕令齊人水

工徐伯表悉發卒數萬漕渠三歲而通通以

漕大便利其後漕稍多而渠下之民頗得以溉田矣今霸水又北逕秦虎圈

東烈士傳曰秦昭王會魏王魏王不行使朱亥奉

璧一雙秦王大怒置朱亥虎圈中亥瞋目視虎皆

裂血出濺舊本作踐虎虎不敢動即是處也霸水又北

入于渭水渭水又東會成國故渠渠魏尚書左僕

射衛臻征蜀所開也號成國渠引以澆故田其瀆

上承汧水於陳倉東東逕郿及武功槐里縣北渠

左有安定梁嚴冢碑碣尚存逕漢武帝茂陵南故

槐里之茂鄉也應劭曰武帝與宋本無與字自為陵在

長安西北八十餘里漢武帝故事曰帝崩後見形

水經注卷十九 三十三 良

謂陵令薛平曰吾雖失勢猶為汝君奈何令吏卒

上吾陵磨刀劒乎自今以後可禁之平頓首謝因

不見推問陵傍果有方石可以為礪吏卒常盜磨

刀劒霍光欲斬之張安世曰神道茫昧不宜為法

乃止故阮公詠懷詩曰失勢在須臾帶劒上吾丘

陵之南故渠又北分為二渠東逕虎圈南而東入

霸一水北合渭今無水

東入于河

春秋之渭汭也左傳閔公三年虢公敗犬戎于渭

隊孫云按左傳閔公二年虢公敗犬戎於渭汭服虔曰隊謂汭也杜預

曰水之隈曲曰汭王肅云汭入也呂忱云汭者水
相入也水會卽船司空所在矣地理志曰渭水東
至船司空入河服虔曰縣名都官二輔黃圖有船
庫官後改爲縣王莽之船利者也

己未正月十日讀

力八十六